

## 編號 2 號

【阿咪<sup>1</sup>】李夢花原作

佢屋下從來就毋識畜狗畜貓仔，一來係阿媽歸日做事無閒直掣，又愛無閒煮三餐，二來係佢當愛淨俐，畜狗膠貓仔驚怕會遭跳蚤。一直到老弟間房个天篷頂，逐暗晡一群老鼠在該走來走去，並並磅磅<sup>2</sup>吵到佢睡毋得，正高不將膠上屋个鄰舍，捉一條細貓子畜來打老鼠。

鄰舍个貓嫲這胎正降兩條，一條就係佢屋下這條，灰色間<sup>3</sup>白色膠豬肝色花刺花刺<sup>4</sup>，看起來當精靈、當得人惜，佢兜喊佢「阿咪」。另外該條柑仔色間白色，乜已靚，分雜貨店个叔姆捉去畜。阿爸講新捉來个貓仔，定著愛絢在有四支桌脚个下背幾日仔，恁樣正會認屋，阿爸就膠佢絢到桌腳下。正經有影哦！幾日仔放佢，阿咪就乖乖，毋會亂採走。

因為毋識畜過貓仔，阿媽乜毋知愛分佢食麼个？人講：貓愛食臊。阿媽就用四破魚攪飯飼。一站仔過後，阿爸講：「毋好分

佢食忒好、食忒飽，慣勢咧就毋會去打老鼠。」聽雜貨店个叔姆講佢屋下該條，就係食到肥固固，日日食飽睡、睡飽食，連老鼠在脣頭過，佢斯目珠擘開睜一下，做佢睡。該幾日逐早晨，阿爸就去豬砧買一坭豬肝分阿咪食。第一擺豬肝買轉來，阿媽愛拿來煮熟，阿爸煞煞講：「分貓仔食生豬肝，係愛佢慣食生个味，正會去打老鼠，該下二擺佢打著个老鼠，你愛煮熟正分佢食係無？」阿爸講个已有理，佢兜聽了哈哈大笑。

阿咪日時頭走到倉庫睡目，暗晡頭就係佢行動个時間，在暗摸胥疏个暗晡頭，看著佢个目珠仁，像兩粒青色个寶石樣當金當靚，灶下个螟蜚仔趁來趁去，佢一爪搭一隻，非常流掠。就毋知佢曉打老鼠無？毋過，自阿咪來了以後，老弟間房个天篷，就無老鼠在該跳舞咧。

毋多知仔，阿咪畜有十四年咧，照佢人个年紀算，佢有七十零歲咧。該日阿咪懶甥甥仔無精神，食个東西又嘔出來，好得看過獸醫、注射過，幾日仔就好好咧。阿媽笑笑仔對阿咪講：「你膠佢共樣，老咧。」阿咪當像聽得識樣，第二日打條細老鼠挑放在灶下，像係愛膠阿媽講：「莫笑佢老刀嫲無鋼——奈母何，佢還已慶哪！」動物除了毋會講話，佢兜膠人共樣，係有感情、有靈性个，還有該種毋認老个打拚精神啊！

<sup>1</sup> 阿咪：音 a+ mi；專有名詞。貓的名字。

<sup>2</sup> 並並磅磅：音 binˊ binˊ bongˊ bongˊ；狀聲詞。形容老鼠在天花板跑動的聲響。

<sup>3</sup> 間：音 gamˊ；混合摻雜。

<sup>4</sup> 花刺花刺：音 faˊ laˊ faˊ laˊ；形容顏色混雜花花的樣子。